

Prosiectau Hunaniaith Ebrill –Medi 2020

Yn sgil Covid 19 newidodd naws y gwaith i gynnwys gweithgareddau ar-lein, gan ddefnyddio Facebook a Zoom yn bennaf. Yn ogystal â chynhyrchu eitemau wythnosol megis

Ap yr Wythnos, Cyfrif yr Wythnos, Gwennol o'r Gorffennol a chwisiau perthnasol, cynhaliwyd y gweithgareddau canlynol i gyd-fynd â rhaglen gwaith a **thargedau** Hunaniaith:

Prosiect	Cynnwys
Cystadleuaeth Stori Fer ar gyfer pobl ifanc 11-16 oed Gwynedd ar y teitl YNYS Plant & Pobl Ifanc	Cynhaliwyd y gystadleuaeth ar gyfer mis Ebrill i bobl ifanc Gwynedd 11 – 16 oed, gyda Bethan Gwanas yn beirniadu a Tudur Owen yn recordio darlleniad o'r stori fuddugol. Fe'i hysbysebwyd ar Facebook, Trydar, Radio Cymru a thrwy gysylltu â holl benaethiaid Ysgolion Uwchradd. Daeth 31 ymgais i law a bu i bawb dderbyn adborth personol gan y beirniad. Mae darlleniad Tudur Owen o'r stori fuddugol gan Lea Glyn Jones i'w ganfod ar sianel YouTube Hunaniaith https://youtu.be/A5kgcAyF2UE
Bwrdd Natur Digidol ar dudalen Facebook Hunaniaith Y Teulu	Cystadleuaeth yn gofyn am lun, enw ac ambell ffaith am blanhigyn neu greadur a drigai gerllaw. Y dasg oedd i adnabod yr enw Cymraeg ar y gwrthrychau a rannwyd. Rhoddwyd gwobr o Gamera Bywyd Gwyllt i gyfrannydd a ddewiswyd ar hap.
Caffi Angau Digidol Y Gymuned	Fel rhan o Wythnos Ymwybyddiaeth Byw Nawr (Mai 11-17) cefnogwyd Caffi Angau i gynnal 3 x sesiwn Zoom
Prosiect Ceridwen: Y Bala mewn cydweithrediad a Thudalen Facebook Wayne Keeps you Smiling (Bala). Y Gymuned	Ers cychwyn cyfyngiadau Coronfeirws bu Wayne Evans a Ceri Owen yn diddanu ar eu tudalen Facebook yn ogystal ag ymweld â stadau tai Y Bala wedi'i wisgo fel Batman, i godi calon a chodi arian at elusennau lleol. Mewn cydweithrediad â Hunaniaith daeth y diddanwch yn gyfle i adfywio un o chwedlau mwyaf adnabyddus y dref sef Chwedl Ceridwen . Gyda Ceri wedi'i gwisgo fel Ceridwen a Wayne fel ei gwr, Tegid Foel, cafwyd ymgyrch wythnos 18/05 – 25/05 o weithgareddau hwyliog wrth iddynt gyflwyno'r stori, ymweld â stadau'r dref gan gadw at y pellter priodol, rhannu lluniau i'w lliwio a chynnal cystadleuaeth limrig. Cafwyd ymateb gwych i'r gweithgareddau ar lawr gwlad ac i'r postiadau dyddiol gyda 4,317 cyrhaeddiad ac 147 ymgysylltiad, a bu 29 ymgeisydd ar gyfer y limrig "It's wonderful how you are keeping spirits high... it's not easy for our communities, particularly families with children ! Thank you so much xx " "Grêt clywed Wayne yn siarad Cymraeg...mae'n neud yn dda!" "Mae hi'n galonogol iawn i weld ysbryd cymunedol y Bala yn dod â rhywbeth mor werthfawr â hyn yn fyw. Mi fydd hyn yn gyfle arbennig i ddiddanu plant a'u teuluoedd a rhoi gwers werthfawr iddyn nhw am eu chwedloniaeth leol."

Prosiectau Hunaniaith Ebrill –Medi 2020

<p>Gweithgareddau mewn partneriaeth â Gwasanaeth Ieuenctid Gwynedd Plant & Pobl Ifanc</p>	<ul style="list-style-type: none"> • Cwis C'mon Midffild • Cwis Cymru
<p>Gweithdai Gwyddoniaeth gyda chwmni Sbarduno Plant & Pobl Ifanc</p>	<p>Comisiynwyd cwmni Sbarduno i recordio 4 gweithdy gwyddonol ar gyfer plant oedran pontio. Fe'u gosodwyd ar Sianel YouTube Hunaniaith a'u rhannu ar y dudalen Facebook, gan dagio holl ysgolion cynradd Gwynedd. Maent hefyd wedi'u gosod ar Hwb Addysg y sir.</p>
<p>Cynllun Cyfieithu Cymunedol Y Gymuned</p>	<p>Ym Mehefin, lansiwyd Cynllun Cyfieithu Cymunedol Hunaniaith ar ei newydd wedd. Yn sgil y sefyllfa sydd ohoni, mae Hunaniaith yn awyddus i gefnogi Cyfieithu Ar Y Pryd (CAP) o bell i grwpiau / mentrau cymunedol ac elusennau yng Ngwynedd, nad ydynt wedi defnyddio CAP o'r blaen.</p> <p>Mewn dealltwriaeth â Chymdeithas Cyfieithwyr Cymru, bydd y Cynllun yn ymrwmo i wasanaeth cyfieithwyr sy'n gofrestredig gyda'r Gymdeithas ac sy'n gallu darparu'r gwasanaeth o bell ar gyfer cyfarfodydd Zoom, Skype, Teams a'i debyg. Gofynnir i'r grwpiau /mentrau/ elusennau, ar ôl eu gwirio gan Hunaniaith, i gysylltu'n uniongyrchol gyda chyfieithydd i wneud y trefniadau tra bo Hunaniaith yn eu tro yn talu am y gwasanaeth yn uniongyrchol i'r cyfieithydd.</p> <p>Mae'r Cynllun ei hunan mewn bodolaeth ers sawl blwyddyn bellach, ac wedi galluogi'r Gymraeg i ddal ei thir mewn amrywiol gyfarfodydd ar hyd a lled y sir.</p>
<p>Grŵp Sgwrsio'r Haf (Llanberis) ar gyfer dysgwyr efo Ann Bierd Y Gymuned</p>	<p>Mewn ymateb i angen ddaeth i'r amlwg ar dudalen Facebook Grŵp Cymunedol Llanberis, comisiynwyd tiwtor llawrydd lleol i gynnal grŵp ymarfer sgwrsio a dysgu anffurfiol ar Zoom, dros wythnosau'r haf, mewn cyfres o 6 sesiwn, i bobl lleol.</p>
<p>Nonsens a Nodau efo Mair Tomos Ifans Y Teulu</p>	<p>Comisiynwyd Mair Tomos Ifans i greu cyfres o 10 fideo er mwyn cyflwyno caneuon traddodiadol sy'n addas ar gyfer plant 7-11 oed (a'u oedolion) bob wythnos. Teitl y gyfres ydy Nonsens a Nodau oherwydd bod gan y caneuon a ddewiswyd eiriau nonsens, neu iaith y Tylwyth Teg, yn ôl rhai! Fe'u gosodwyd ar Sianel YouTube Hunaniaith a'u rhannu ar y dudalen Facebook</p>
<p>Darlithoedd Llwr Gwlad Y Gymuned</p>	<p>Cyfres o ddarlithoedd misol, tan ddiwedd y flwyddyn, gan haneswyr lleol, arbenigwyr yn eu maes ac ambell ysgolhaig, i'w darlledu'n fyw drwy Zoom ar Facebook neu drwy rannu dolen i Sianel YouTube Hunaniaith. Hyd yn hyn cafwyd sesiwn gan Gareth Roberts o Fenter Fachwen a Geraint Jones o Ganolfan Hanes Uwchgryfai.</p>
<p>Gweithdai Crefft i'r Teulu efo Lora Morgan Y Teulu</p>	<p>Comisiynwyd Lora Morgan i gynnal 4 gweithdy crefft ar Zoom ar gyfer plant oed CA2 a'u hoedolion, yn wythnosol gydol Gorffennaf. 'Roedd y sesiynau hyn yn gyfyngedig i drigolion Gwynedd.</p>

Prosiectau Hunaniaith Ebrill –Medi 2020

<p>Gweithdai Celf efo Tess Urbanska Evans Plant & Pobl Ifanc</p>	<p>Comisiynwyd Tess Urbanska Evans i greu 4 gweithdy celf ar fideo, i'w dangos yn wythnosol gydol Awst. Seiliodd Tess y gweithdai ar greu gwrthrychau deniadol o ddeunyddiau oedd i'w cael yn y cartref neu heb fod angen crwydro ymhell i'w canfod.</p>
<p>Cydlynu, cefnogi a chynnal gweithgareddau cenedlaethol Mentrau Iaith Cymru:</p> <ul style="list-style-type: none"> • Tafarn y Clo Y Gymuned • Ras yr Iaith Y Teulu • Cystadleuaeth Bwgan Brain Y Teulu • Clwb Theatr Cymru efo Theatr Genedlaethol Cymru Plant a Phobl Ifanc 	<p>Tafarn y Clo: Dyma dafarn deithiol, rhithiol sy'n ymweld â Mentrau Iaith ar hyd a lled Cymru gydol yr haf . Tro Hunaniaith oedd ei chynnal ar 15 Gorffennaf rhwng 8 a 10 yr hwyr. Darparwyd noson o adloniant byw yn cynnwys 'stafell gomedi efo Dilwyn Morgan, snyg y dysgwyr efo Martyn Croydon, barddoni hwyliog efo Osian Bonc a set gerddorol gan Bwncath...yn ogystal a llu o gwisus a chystadlaethau.</p> <p>Clwb Theatr Cymru: 4 sesiwn cenedlaethol ar Zoom drwy gydol Awst, wedi'u hyrwyddo a chydlynu yng Ngwynedd gan Hunaniaith. Gweithiodd Hunaniaith hefyd i fonitro'r weithgaredd wrth fod yn bresennol yn y sesiynau, a thrwy gynnal y cyswllt cyson â rhieni'r plant a fynychodd.</p>
<p>Gweithdai Cyfansoddi Cân efo Branwen Haf ac Osian Huw Plant a Phobl Ifanc</p>	<p>2 sesiwn ar gyfer oedran CA2 a CA3 i'w cynnal ar Zoom i blant a phobl ifanc Penllyn, mewn cydweithrediad â Theatr Derek Williams ac ysgolion lleol.</p>
<p>Teithiau Cerdded mewn partneriaeth â Clwb Mynydda Cymru Y Gymuned</p>	<p>Cyhoeddi dehongliad 7 taith drefnwyd gan Glwb Mynydda Cymru yn ystod 2019 ar lwyfannau digidol Hunaniaith gyda chydweithrediad y Clwb.</p>
<p>Paned a Sgwrs Dysgwyr Dwyfor. Y Gymuned</p>	<p>Mae Swyddog Datblygu Iaith Dwyfor yn ymuno yn wythnosol â'r gweithgaredd yma drwy Skype. Cydlynir gan y Diwtor Drefnydd Dysgu Cymraeg (Dwyfor) gyda swyddog Hunaniaith yn arwain sgwrs awr efo 3-4 o ddysgwyr, mewn is-grŵp.</p>
<p>Teithiau Cerdded i Ddysgwyr efo Gareth Roberts (Menter Fachwen) ac ar y cyd ac Amgueddfa Forwrol Llŷn. Y Gymuned</p>	<p>Teithiau ar y gweill ym Medi: yn Nwyfor ac Arfon mewn cydweithrediad a Dysgu Cymraeg GO</p>
<p>Pecyn Diogelwch Gweithgareddau Cymunedol Y Gymuned</p>	<p>Crewyd pecyn yn cynnwys posteri priodol â ddylunwyd gan Charlie Britton, canllawiau, a manylion protocol yn ystod y cyfnod yma; i'w rannu ymhlith mentrau cymunedol a chynghorau plwyf y sir.</p>
<p>Gwefan Hunaniaith Y Gymuned</p>	<p>Cydweithio â Meirion MacIntyre Huws i greu gwefan newydd i'w lansio ym Medi.</p>